

## فيديو # ٣٠٥ من مقاطع حظر التجول تدبر سورة محمد # ٤

### الآيات ٣١ - ٥١

فاضل سليمان

السلام عليكم ورحمة الله وبركاته اهلا بحضراتكم في المقطع رقم. خمسمية وتلاتة من مقاطع حظر التجول والحلقة الرابعة من حلقات تدبر سورة محمد. ارجو من حضراتكم تجبيوا المصاحف وافتح معى سورة محمد واقرا معى الآية تلتasher - [00:00:01](#)

اعوذ بالله السميع العليم من الشيطان الرجيم وكأين من قرية هي اشد قوة من قريتك التي اخرجتك اهلك فلا ناصر لهم عاوز تفهم الآية دي فكر نفسك كده او اعمل في حسابك كده حط في اعتبارك ان الصورة دي نزلت في المرحلة - [00:00:33](#)

اه يعني في النص الثاني من المرحلة المكية ما قبل الحديبية فتخيل كده كفار قريش لما يسمعوا الآية اربعة اللي ربنا بيأمر فيها المسلمين وبيقول لهم بصوا معى في الآية اربعة - [00:01:03](#)

وتخيل كفار قريش هيستقبلوها ازاي وربنا بيقول لل المسلمين في القرآن فاذا لقيتم الذين كفروا فضرب الرقاب حتى اذا افختموهم فشدوا الوفاق. فاما منا بعد واما فداء اكيد لما يسمعوا الكلام ده هيسيخروا منه يعني - [00:01:20](#)

على ايه كل ده يعني؟ يعني هزمتونا في بدر هزمناكم في احد والاحزاب قامت علينا ريح خلعت خيامنا فمشينا لكن ما حصلش قتال وما هزمتوناش فايه بقى فضرب الرقاب وشدوا يعني على ايه كل ده يعني - [00:01:41](#)

اوعوا تكونوا فاكرین نفسكم يا مسلمين هتخوفونا بالكلام ده ما تنسوش نفسكم دي مكة. اللي كل العرب هيقفوا وينصروها يوم ما يحصل حرب مع اهل مكة كل العرب هيبقو آآ مسافة السكة. هيكونوا عندنا وبينشروننا - [00:01:59](#)

ده اكيد اللي بيدور في عقولهم لأن الآية اربعة فيها استعلاء شديد جدا عليهم. وأكأن المسلمين اقوى منهم بكثير. والنصر مضمون. وربنا بيعطي المسلمين تعليمات عامله ازاي مع الاسرى كمان! ده خلاص احنا كسبنا بقى - [00:02:18](#)

فاكيد في شعور عند الكفار بالاهانة تجعلهم يسخروا من الكلام ده وكمان غير شعور الاهانة هم عندهم شعور بالثقة في النفس الزيادة عن اللزوم كونهم اهل مكة. مش اهل اي مدينة من مدن الجزيرة العربية يعني - [00:02:35](#)

اقرا الآية تلتasher كده وكأي من قرية يعني كم من قرية استفهام هدفه انه يعبر عن الكثرة كم من قرية وطبعاً قرية قلنا قبل كده معناها آآ او عادة بيبقى معناها كنایة عن اهل القرية. مش القرية نفسها - [00:02:57](#)

زي ما ابناء سيدنا يعقوب قالوا له واسأله القرية التي كنا فيها. يعني اسأل المصريين اللي هم اهل مصر اللي موجودين في القافلة وكأين من قرية يعني وكم من قرية كمل معى هي اشد قوة من قريتك التي اخرجتك - [00:03:17](#)

كم قرية في الدنيا اقوى من قريتك اللي اخرجتك اللي هي مكة خلي بالك هنا في مقابلة قلنا المقابلة ذكر الشيء وعكسه هنا في مقابلة بين قريتك وفي نفس الوقت التي اخرجتك - [00:03:40](#)

يعني منين دي قريته ودول اهل قريته وفي نفس الوقت هم اللي بيطردوه وبيخرجوه وكأن الآية بتقول لك ان اهل مكة اضافوا لجرائمهم جريمة اخرى وهي قطع صلة الرحم ازاي يبقو اهل قريته وهم اللي يخرجوه ويزلموه كده - [00:04:05](#)

لذلك استخدام تعبير قريتك وبعدها التي اخرجتك استخدام رائع جداً بيؤدي لهذا المعنى اللي يمس النخوة عند العرب يعني من ابيات معلقة طرفة ابن العبد. انتم عارفين القصائد الشعرية الكلاسيكية بتاعة العرب في الجاهلية كانت تعلق داخل - [00:04:26](#)

اسمها المعلقات معلقة عنترة بن شداد فيه كان شعراء كبار منهم طرفة ابن العبد عنده معلقة يقول فيها وظلم ذوي القربي اشد

مضاضة على المرء من وقع الحسام المهند يعني الظلم بتاع ذوي القربى قرايبى اشد مضاضة يعني بيرجح اكتر بيقتل على المرء على الانسان - 00:04:52

كان من وقع الحسام المهندى. الحسام يعني السيف المهنى لحسام دى اسماء للسيف. الحسام والمهند والهندى والصفحة والكتدرؤن اذا ده شيء بيensus العرب او اي لما يكون ذوى القربى هم اللي بيزلموا الانسان. اقرأ الآية تلتاشر تانى وكأين من قرية هي اشد من قرية - 00:05:20

التي اخرجتك اهلكناهم فلا ناصر لهم كم قرية قبلهم ربنا اهلكها فلا ناصر لهم لم يساندها احد لم يحاول احد انقاذه الاشد منهم ربنا اهلكم ولم ينصرهم. يبقى انتم حد هينصركم اصلا - 00:05:41

نفس الرسالة دى كانت في الآية عشرة والآية حداشر. بصلوا معى في الآية عشرة والآية حداشر افلم يسيروا في الأرض فينظروا 00:06:01  
كيف كان عاقبة الذين من قبلهم دمر الله عليهم وللكافرين امثالها -

ذلك بان الله مولى الذين امنوا وان الكافرين لا مولى لهم. يعني ربنا بيقول لهم ما تنسوش نفسكم وما تنسوش ضعفكم كل ما في 00:06:17  
الموضوع ان ربنا قد يجعل اهلاكم يا كفار قريش -

على يد بشر اخرين وليس بصاعقة او بريح زي الامم الاخرى اللي قبلكم وحوالىكم في الجزيرة العربية هود بحكيكم آآ في اليمن قوم 00:06:34  
آآ صالح فوقكم في آآ في في شمال الجزيرة العربية. وقوم شعيب برضو شمال الجزيرة -

وقوم آآ لوط برضو شمال الجزيرة العربية حوالىكم فكل الفرق ان ربنا قد يجعل اهلاكم على ايد المسلمين ثم تجد الصورة تعلل يعني 00:06:55  
تدي لك العلة تقول لك السبب ان ربنا -

بيحكم على ناس بالهلاك بينما بينما بينما ينصر ناس اخرين ليه ربنا يحكم على الناس بالهلاك وينصر اخرين اقرأ اربعناشر افمن كان على بينة 00:07:12  
من ربها كمن زين له سوء عمله واتبعوا اهواءهم -

استفهام غرضه التعجب معقول يا جماعة هو ده سؤال اصلا؟ افمن كان على بينة من ربها كمن زين له سوء عمله الله! يعني ربنا 00:07:32  
هيساوي بين الاثنين دول ازاي! اللي ماشي صح زي ما ربنا قال له افمن كان على بينة من ربها -

هيعامل زي اللي زين له الشيطان سوء عمل اعماله السيئة. كمن زين له سوء عمله صح صح بقى معى عشان الالتفاتات اللي جاي ده 00:07:50  
جميل جدا وده السؤال اللي حطيته على تويتر من نص ساعة -

افمن كان على بينة من ربها مفرد بني ادم اهوها كمن زين له سوء عمله. برضه مفرد واتبعوا اهواءهم زين له بني ادم واحد واتبعوا 00:08:09  
اهواءهم حصل الالتفات من المفرد للجمع -

ال الطبيعي ان الآية كانت تمثي كده. افمن كان على بينة من ربها كمان زين له سوء عمله. واتبع اهواءه مسلا واتبع اهوائه تبع هواه تمثي 00:08:32  
كلها مفرد ان الآية ماشية مفرد مفرد ومرة واحدة راحت قالبة الى صيغة الجمع واتبعوا اهواءهم ليه ؟ بالرغم بقى من ان الآية ستاشر   
بص معى في اخر الآية ستاشر -

بص في اخر الايستر اولئك الذين طبع الله على قلوبهم واتبعوا اهواءهم. ماشية كلها جمع بدون الالتفات طب ما كان ممكنا الآية 00:09:01  
اربعناشر تمثي كلها جمع من الاول برضو افمن كانوا على بينة من ربهم كمن زين لهم سوء عملهم واتبعوا اهواءهم. ماشي كلها جامدة ماشية. لكن ليه كده -

ليه الآية اربعناشر فيها الالتفاتات ده ليه ماشية مفرد مرة واحدة قلبت جمع في اخر كلمتين ليه واسمعنى الآية ستاشر ما فيش فيها 00:09:27  
الالتفاتات؟ مين يعرف؟ خدوا نص دقيقة حاولوا تفكروا فيها -

في الآية دى كويس حاولوا تكتشفوا سر الالتفاتات ليه؟ في الآية اربعناشر ليه افمن كان على بينة من ربها كمن زين له سوء عمله واتبعوا 00:09:46  
اهواءهم ليه منذ عشرين سانية كمان -

هم دول مين يعني مين ده ربنا بيقول كمان زين له سوء عمله. ايه ايه؟ زين له ده مبني للمجهول يعني الشيطان زين له المعا�ى 00:09:55  
قال له على الخمرة مشروبات روحية هتزود لك روحانياتك وتشيل الاكتئاب وقال له على العلاقات المحرمة لطيفة ولزيزة وربنا يا

اخي غفور رحيم - 00:10:18

وقال له على كل حاجة وحشة قالوا عليها حلوة زين له سوء عمله فممکن وانت بتقرأ كده يصعب عليك مهما كان اه هو مزنب اه بس هو برضو ضحية وضحية الشيطان - 00:10:49

الشيطان شاطر الشيطان ضحك عليه الشيطان زين له سوء عمله ده كده عقاب ربنا له ممکن يكون فيه شوية زلم او با فقبل ما الفكرة دی تتملك دماغك ربنا بيقول لك على طول الاية قبل ما تخلص تقول لك ايه او عى يصعب عليك حد منهم - 00:11:10

كلهم راحت جايية لك بقى من الجامعة. كلهم عصوا ربنا لأنهم اتبعوا اهواءهم. مش الشيطان هم ما عصوش ربنا عشان الشيطان زين لهم. الشيطان بيذين للناس كلها ما انت طول ما انت ماشي بتشفوف اعلانات عن حاجات حرام و بتزينها لك - 00:11:38

ما الشيطان زين للناس كلها. لكن اللي اللي عصوا ربنا هم اللي اتبعوا اهواءهم اقرا بقى اربعتاشر معی كده وافهم. افمن كان على بینة من ربہ کمن زین له سوء عمله. قبل ما يصعب عليك الاية تقول لك - 00:12:01

ده كلهم ولاد ستين في سبعين واتبعوا اهواءهم اوعوا يصعبوا عليك دي نقطة مهمة قوي بقى نفهمها. واحنا شرحناها باستفاضة في دورة التربية الروحية الانسان له عدة اعداء منهم الشيطان - 00:12:20

الشيطان بيذين المعصية. الشيطان ما يقولكش ابدا اعصي ربنا ابدا يعني هو لما لما ضحك على ادم وحواء راح قال لهم ايه ما نهاكموا ربکما عن تلکما الشجرة الا ان تكون ملکین - 00:12:39

انت لو تبقو ملایکة او تكون من الخالدين. فازين لهم المعصية ما لهمش يلا اعصوا ربنا. هو ليه يعني يمنعكم من الاكل من مشاكل؟ لا ما عملش كده. قال لهم ده انت لو كلتوا منها تبقو ملایکة. يعني ايه ملایکة - 00:12:58

يعني ما تعصوش ربنا ابدا. مش الملائكة لا يعصون الله ما امرهم فهم عصوا الله مرة عشان ما يعصوش ربنا بعد كده ابدا. شف دخلوهم من باب الدين عشان كده احنا لما بنقرأ ربنا بيقول ايه - 00:13:10

فاما قرأت القرآن فاستعد بالله من الشيطان الرجيم. ليه وانا استعد بالله ليه؟ هو انا هقدر اعمل حاجة وحشة؟ ده انا بقرأ قرآن. ايوة. الشيطان يدخل لك من باب القرآن - 00:13:23

حضرتك شايف صوتك بقى جميل ازاي يدخلني فيك الغرور والكبر انت تستحق انت تمسك انت المقرئه مش الشيخ احمد. بيدأ بقى يشتغل معك. انت ازاي؟ طيب بيقى الانسان له عدة اعداء. منهم الشيطان بيذين المعصية - 00:13:32

ومنهم النفس الامارة بالسوء انت عندك نفس واحدة ما عندكش مليون نفس. ما عندكش نفس مطمئنة ونفس امارة بالسوء ونفس اللوامة لا هي نفس واحدة بس نفسك دي لما تتملكها الشهوات والاهواء الهواء المزاج - 00:13:50

لما يتملك من القلب بيبيقى نفسك بتقلب الى نفس امارة بالسوء فلما القلب يسيطر عليه الاهواء والشهوات بيبيقى القلب ضعيف ومش بيقاوم وسوسه الشيطان ان الشيطان اصلا ضعيف ربنا قال ان كيد الشيطان كان ضعيفا - 00:14:07

الشيطان ده حمار ولا يعرف يضحك على حد فينا لو قلبه جامد وبالتالي وسوسه الشيطان ما تجيبيش مع الانسان نتيجة ما بتمسكش الا لو الانسان عامل اضعاف للمقاومة بتاعته ما عندوش آآ بيسموه ايه اللي هو - 00:14:30

ما عندوش حصانة ما عندوش آآ مناعة. ما عندوش مناعة واحد بيضعف المناعة بتاعته بانه يستسلم للاهواء والشهوات. اقرا بقى الاية اربعتاشر كده انت هتفهمها افمن كان على بینة من ربہ کمن زین له سوء عمله - 00:14:51

قلب من عمل ايه بقى؟ عشان يقول لك ما حدش منهم انزلم راح قالب ايه؟ قلب قلب الى الجمع بقى. واتبعوا اهواءهم. كل واحد فيهم عسى ربنا لانه اتبع هواه. مش لان الشيطان زي اللي سوق عمله - 00:15:10

لاحظ المقابلة بقى اللي في الاية. شفت باقول لكم سورة محمد كلها مقابلات من كان على بینة من ربہ. يعني الامور واضحة بالنسبة له والبینة يعني الحجة لانها حصان هو راکب عليه - 00:15:28

يقول لك من كان على بینة فهو کأن البینة دي الحجة دي حصان انت راکب فوقیه من كان على بینة من ربہ ما هو مش حصان مهکع! وممکن يكون حصان تعیان! لا! ده حصان قوي! حجة من عند الله - 00:15:46

بيينة من ربه. يبقى كأنك راكب حصان قوي بتاخده يمين تاخده شمال يوديك. تنجز اعمالك. خل بالك الصورة معظمها عن الاعمال اشي اعمال بتحبطة واعمال بتضل واعمال بتنجح هو ده - 00:16:04

يبقى انت راكب حصان اللي هو الحجة اللي من عند الله وبتتوجه بها اي مكان المقابل بقى كمن زين له سوء عمله واتبعوا اهواءهم شايف السورة اللي في الاية صورة - 00:16:18

عبد مشدود بحبل من رقبته واتبعه بيتبعد. ماشي تابع. تابع للهوا بتاعه ولشهوته ييجي الشهوات وتجيبيه يمين ييجي يمين تجيبيه شمال ييجي شمال. بضم المقابلة نفسها شفت الصورة عاملة ازاي جوة الاية؟ انت ما كنتش شايف الصورة دي قبل كده - 00:16:43 ما كنتش شايف الصورة دي قبل كده. زي بالزبط انت عارف ان فيه العاب بتوريك مسلا صفة كلها عبارة عن نقط سودا. وتقول لك ركز فيها هتكشف الصورة. فتكتشف صورة شخص معه ابنه وماشيين في الشارع او امرأة بتحمل سبت - 00:17:05 بس تبدأ تشووفها ايه لما ترکز قوي في النقط دي والتركيب بتاع هي نفس الكلام. لو ركزت في الاية هتططلع منها سورة اقرا الاية تاني معن افمن كان على بيينة من ربه - 00:17:19

انه فارس راكب حصان قوي فمن زين له سوء عمله واتبعوا اهواءهم عبد مشدود بحبل بيتبعد تابع عايز تقرأ اكتر وتستمتع اكتر بمسألة التصوير اقرا كتاب التصوير الفني في القرآن - 00:17:37

هيعلمك ازاي تطلع الصور اللي جوة الایات. روعة من ده يمكن احلى كتاب قريته بعد القرآن الكريم. الكتاب ده لما قريته من خمسة وعشرين تلاتين سنة شعرت اني لم اقرأ القرآن من قبل لما جيت اقرأ القرآن بعد كده - 00:17:59 التصوير الفني في القرآن موجود. اوعى تحطه هيطلع لك بي دى اف على طول طبعا بتاع سيد قطب وكان على فكرة سيد قطب كان كاتب مسرحي هو اصلا له مسرحيات - 00:18:16

نجيب محفوظ اللي هو اجازة نobel اتكلم عنه كقدوة له في الكتابة المسرحية فيديو موجود عمرو اقرأ بقى الاية خمستاشر معن اقرأ الاية خمستاشر ودي مشكلة سد القبة على فكرة. انه لما كتب في الدين - 00:18:28 كتب بريشة فنان فكلامه اسيء فهمه من ناس كتير للاسف يعني لكنه كان بيكتب بريشة فنان اقرأ معن الاية خمستاشر مثل الجنة التي وعد المتقون فيها انها من ماء غير اس - 00:18:43

وانهار من لبن لم يتغير طعمه وانهار من خمر لذة للشاربين. وانهار من عسل مصفي. ولهما فيها من كل ثمرات ومحفظة من ربهم كمان هو خالد في النار. وسقوا ماء حميما - 00:19:03

فقط امعاءهم مين كان بيسأل اميارح ليه ربنا ما جعلش الناس كلها صالحين وقلنا ان ربنا اعطانا الحرية كاملة نختار بين الحق والباطل وبين لنا بمنتهى الوضوح ايه هو الحق وايه هو الباطل. وكمان عمل لنا محفظات تحفظنا على اختيار الحق - 00:19:27 حاجات تانية تخوفنا من اننا نختار الباطل. اهي الاية خمستاشر فيها المحفظات والمخوفات شفت المقابلة برضه اهي بعد كل ده لسة عاوز ربنا يجعلك انسان صالح ما تجعل نفسك بقى. ده شيء غريب اوبي - 00:19:50 يعني بعد كل ده لما تختار الباطل او تختار الكفر او تختار الشرك او تختار الزلم او تختار الكذب او تختار الخيانة او تختار السرقة او القتل او تختار الغدر. تلوم ربنا - 00:20:08

ده حاجة غريبة بجد يعني خمستاشر وشف كم المحفظات والمخوفات اللي فيها وكل ده عشان مصلحتك التحفيظ عشان مصلحتك والتحفيظ عشان مصلحتك. ترغيب وترهيب مثل الجنة التي وعد المتقون. الجنة ما تتوصافش - 00:20:21 لان فيها ما لا عين رأت ولا اذن سمعت. ازا هتوصف بالقياس على ايه فالاو صاف كلها اللي ربنا بيديها لنا هي امثلة لتقرير الصورة للذهان فربنا بيستخدم متع الدنيا اللي احنا فاهمينها - 00:20:48

عشان يوصف متع الآخرة اللي لا يتتصورها عقل اصلا فيقول مثل الجنة التي وعد المتقون لانه قال في اخر الاية اتناشر بضم الاية اتنشر. ان الله يدخل الذين امنوا وعملوا الصالحات جنات تجري من تحتها الانهار - 00:21:10 اشرح لي بقى هل هي جنات كجنتا وحدائق الدنيا وانهارها دي عاملة زي انهار الدنيا كمل الاية خمستاشر فيها انها من ماء غيري اثم

وانهار من لبن لم يتغير طعمه - 00:21:35

وانهار من خمر لذة للشاربين وانهار من عسل مصفى في سورة النحل لما تدبرناها ربنا ذكر هذه المشروبات الاربعة كمشروبات في الدنيا من مشروبات الدنيا وعشان صورة النحل بعيدة انا طبعت لكم دي - 00:21:55

يا جماعة فيكم اللي على اليوتيوب واللي على الفيسبوك المفروض انهم يشوفوها معدولة. لأن للاسف اليوتيوب هتشوفوها مقلوبة. مم للاسف. يلا فيسبوك او افتح بقى سورة النحل من الاية خمسة وستين للاية تاسعة وستين - 00:22:22

ماشي لو تقدر تفتح سورة النحل يكون كوييس ربنا بيقول ايه بقى النحل خمسة وستين. النحل على فكرة الصورة رقم ستاشر على ما اذكر. اه الاسراء سبعتاشر يبقى النحل ستاشر - 00:22:42

والله انزل. احنا في الاية خمسة وستين. والله انزل من السماء ماء اول مشروب الماء فاحيا به الارض بعد موتها الماء بتتحي ان في ذلك لایة لقوم يسمعون خلي بالك نفس ترتيب المشروبات دي اللي فيه صورة محمد انهار الجنة. نفس الترتيب ماء اول حاجة - 00:22:58

وان لكم في الانعام لعبرة. نسيكم مما في بطونه. من بين فرث ودم لبنا خالص سائغا للشاربين. يبقى تاني حاجة ربنا زكرها اللبن كمعجزة وبيطلع من بطون الانعام بين الفرث اللي هو الفرث اللي هو - 00:23:27

فضلات الطعام اللي جوة المصارين. حاجة يعني مقرفة جدا والدم. الدم ده نقطة دم واحدة تنزل في جردل لبن قد كده هتتغير لونه ومع ذلك يطلع اللبن من طالع من بين الدم والفرث - 00:23:48

لبنا خالصا سائغا للشاربين. اللي واحد ريحه القرف اللي في المصارين بتاعة البهائم. ولا في شائبة دم قد كده معجزة كمل بقى ومن ثمرات النخيل والاعناب تتخذون منه سكرا ورزقا حسنا. انا في ذلك لایة لقوم - 00:24:04

من ثمرات النخيل ومن الاعناب الناس بتتعصر وبتعمل خمر الخمر ده بيسكرروا به. سكرا وكمان من ثمرات النخيل والاعناب الناس بتناكل وبتناكل تشرب عصير عادي ورزقا حسنا واوحي ربك الى النحل - 00:24:31

ان اتخذني من الجبال بيotta ومن الشجر وما يعرشون ثم كلي من كل الثمرات. فاسلكي سبل ربك ذللا يخرج من بطونها شراب مختلف الوانه فيه شفاء للناس. ان في ذلك لایة لقوم يتفكرون - 00:24:59

يعني ربنا اوحي وربنا جاب ان هو اوحي للنحل ليه لان ده معناه ان اللي يتبع الوحي بينجح ده النحلة حشرة سمعت كلام ربنا اللي اوحي به لها وزرعه في فطرتها - 00:25:25

كانت النتيجة انها بقت اكتر حشرة ناجحة اكتر طير ناجح وكمان بيفيد نفسه وبيفيد غيره وبيفيد المجتمع كله انه بيخرج العسل اللي فيه شفاء للناس انا نفسي بصراحة ترجعوا تتفرجوا على الحلقة رقم حداشر في سورة النحل - 00:25:40

خلاص باختصار الماء يمثل الحياة اللبن يمثل الفطرة في حديث الاسراء والمعراج النبي عليه الصلاة والسلام قال ثم دخلت المسجد الاقصى فصليت فيه ركعتين ثم خرجت فجاءني جبريل عليه السلام باناء من خمر واناء من لبن - 00:26:00

البن فقال جبريل اخترت الفطرة كان الخمر لسة ما حرمتش لم تحرم خلي بالك فالبن يمثل الفطرة ربنا بيقول ومن الثمرات اللي هي ربنا بيخرجها لنا من الارض بالماء عشان كده الماء دايما يذكر في الاول لان بدون ماء ما كانش هيبقى فيه لبن ولا كان هيبقى فيه خمر ولا - 00:26:23

كان هيبقى فيه عسل ولكن انا ببيع حياة اصلا طيب خلينا انا بقول لكم اهو انا مش عايز اخش تاني في القصة دي عشان ما ناخدش وقت طويل ارجوكم اتفرجوا على الحلقة حداشر في سورة النحل - 00:26:48

ليك اللي انا عايز اقوله اللي انه الماء يمثل عادة الوحي اللي بينزل على الارض الماء بيعيي الارض الميتة والوحى يحيى القلوب الميتة. وده الوارد في حديث النبي صلى الله عليه وسلم. حديث متفق عليه - 00:27:06

ان مثل ما بعنتي الله به من الهدى والعلم. الوحي اللي ربنا اداه له كمثل كمثل غيث يعني مطر. اصاب ارضا فكانت طائفة طائفة من هذه الارض يعني بعض القلوب - 00:27:32

طيبة قبلت الماء يعني قلوب قبلت الوحي فانابتت الكلأ والعشب الكبير. بقت منتجة وفادت الناس وكان منها اجاذب امسكت الماء فنفع الله بها بها الناس فشربوا منها وسقوا وزرعوا. ومنها قلوب - 00:27:47

خدت المية راحت مرجعها للناس خدت الوحي وراحت علمته للناس وفادت الناس بالانتاج بتاعها لما هي شربت الوحي ايه ده واصابت طائفة منها اخرى انما هي قيغان يعني مستنقعات لا تمسك ماء ولا تنبت كلأ - 00:28:09

فذك مثل من فقه في دين الله ونفعه بما عثني الله به فعلم وعلم ومثل من لم يرفع بذلك رأسا الناس اللي ما بتتلقي الوحي او بتاخد الوحي ده باستهزاء ومش بتستفيد منه - 00:28:30

طيب بيقى الانسان اللي يحافظ على حياة قلبه بالوحي يستحق نهر الماء ولانه تمسك بالفطرة السليمة يستحق نهر اللبن في الجنة بص يعني والانسان اللي ابتعد عن الشهوات المدمرة والسكر الذي يغيب العقل - 00:28:50

الانسان ابتعد عن تغريب عقله وابتعد عن الشهوات المدمرة يستحق نهر الخمر في الاخرة ونهر الاخرة تختلف عن خمر الدنيا. لا لغو فيها ولا تأثير. لا فيها لا فيها اه لا استاذ هي لها غول فيها. يعني ما في لا لا بتسبب اه لا غول فيها ولا هم ينذرون. يعني لا تسبب صداع ولا ولا حد مش هو يقدر يرجع - 00:29:20

زي الخمر بتاعة الدنيا اللي بيستخدم القرآن في علاج امراض قلبه وشفائها يستحق نهر العسل لذلك يكافي هذا الانسان يوم القيمة بهذه الانهار لكنها مشروبات مختلفة عن مشروبات الدنيا. اقرا بقى معي الاية خمستاشر. مثل الجنة التي وعد المتقون. فيها انهار من ماء - 00:29:47

غير اس وانهار من لبن لم يتغير طعمه. وانهار من خمر لذة للشاربين وانهار من عسل مصفى طيب شف المقابلة اولا مثل الجنة التي وعد المتقون قصادها ايه بقى ؟ كمن هو خالد في النار - 00:30:13

خلينا الاول في ايه مثل الجنة التي وعد المتقون فيها انهار من ماء غير اس. ماء لكنه ليس كماء الدنيا يأسا يعني طعمه بيتغير لو فضل راكد احنا في العامية نقول ايه ؟ المية عطنت. بقت معطنة - 00:30:33

لكن ماء الدنيا عشان خاطر ما يأسنن لازم يكون جاري باستمرار ماء جاري الدنيا بقى الماية دي بتتبخر وتبقى سحب وتنزل تاني وتمشي انهار او تبقى ابار وعيون فلما تتوقف الماء الراكد يأسا لكن ماء الاخرة - 00:30:54

ما بيمرش في الدورة بتاعة الدنيا دي او بتاعة الماء في الدنيا عشان بقى ماء مستساغ لا هو بيخلق مباشرة كده كرات جميل كمل الاية خمستاشر وانهار من لبن لم يتغير طعمه - 00:31:16

لانه ما اتحلش من حيوان لما بيحليروا لبن من الحيوان بيبقى طازج في الاول ثم تاني يوم بقى بيقى لبن بايت. ثم يبدأ يتغير طعمه مع الوقت وبعدين يفسد كلبن الدنيا - 00:31:34

لكن الا لو اتحلط في التلاجة. طيب ربنا بقى بيخلق اللبن الاخرة ده كما هو كده بدون الدورة المعروفة بتاعة لبن الدنيا هو مش بيتغير كم الخمستاشر يعني ربنا بيكقول لنا الماية مش هي الماية بتاعتنا. اللبن مش مش هو اللبن بتاعنا - 00:31:47

طبعا العرب اللي معنا لازم يفهموا لبن يعني حليب خلاص وده اللفظ الصح بتاعة اللي اول مرة نطلع احنا صح. لبن عند معزم البلاد العربية يعني زيادي رحت انا فاكر والله مرة كنت اول مرة اروح احج فيها. وطلبت الشاي بلبن. الرجل قال لي ايه ؟ قلت له الشاي بلبن ايه ! انا قلت اولا قلت اختراع ! ما تحط لبن يا عم ! حط لي زيادي وكان طعمه وحش. ايه ده - 00:32:09

بتاعكم بايز اتاري آلبن مش يعني لبن. المهم وانهار من خمر لذة للشاربين. خمر الدنيا فيها منافع ومفاسد بتتسكر بتذهب العقل. بتسبب العداوة والخناقات. يسألونك عن الخمر والماش قل فيهما اثم كبير ومنافع للناس - 00:32:32

وتسبب حوادث مرور ووفيات وناس تموت بقى في الحوادث ديت انما خمر الاخرة ربنا قال فيها في سورة الصافات لا فيها غول ولا هم عنها ينذرون بتسبب صداع ولا بتسبب سكر - 00:32:52

كان من خمستاشر وانهار من عسل مصفح. العسل يا جماعة اللي بيبقى فيه نحل ميت ونمل وتراب لا يمكن تقدر تاخد العسل من المنحل تاكله على طول عشان تبقى عارف - 00:33:06

انا اشتغلت في الموضوع ده على فكرة سنين بنجيب شاشة كبيرة قوي نحطها على وش البرميل ونصب العسل الخام عليها فالشاشة بتتصفي الشوائب كلها بتلاقي على سطحها حاجات رهيبة نحل ميت وآآآ حاجات فزيعة جدا. وشوائب وتراب - 00:33:21  
وينزل لك عسل مصفي العسل لو مش مصفي ما تقدرش تاكله طيب ايه الفرق بقى بين عسل الدنيا وعسل الآخرة. ما هو عسل الدنيا مصفي برضو اهو ايوة بس عسل الدنيا مش انها - 00:33:45

انت بتجيبي شوية عسل قد كده بالشىء الفلاني. هناك بقى النهر كامل من العسل. كل حاجة في الجنة اصلا كبيرة الرسول عليه الصلة والسلام قال ان في الجنة لشجرة يسير الراكب في ظلها مئة سنة - 00:34:02  
واقرأوا ان شئتم وظل ممدود. يعني في شجرة مش كل شجرة للجنة لكن في شجرة في الجنة اللي راكب حصان يفضل ميت سنة لسة في الزل بتاعها كل حاجات ضخمة يعني الجنة ما لها ما تحاولش تتتصورها مش هتتصورها. صعب جدا تتتصورها - 00:34:18

كمي خمستاشر الاية خمستاشر ولهم فيها من كل الثمرات. طب ايه الغريب يعني؟ لا غريب طبعا ما فيش بلد في الدنيا بيطلع فيها كل الثمرات في بلد يسطح فيها زراعة المانجو اللي هي المانجو - 00:34:38

وبلد يصلح فيها زراعة التمر. وبلد يصلح فيها زراعة البرتقال. وعشان بقى عندك في بلد كل الثمرات لازم تستورد بقى وهستورد بقى ما الفاكهة مش هتبقى طازجة انت عشان تستورد لازم الفاكهة ما تستويش على ابوها. يعني ايه؟ يعني ما تستويش على الشجرة بتاعتها. لو استوت على الشجرة بتاعتها تناكل - 00:34:52

خلال اربع خمس تيام وقولها تفسد لكن بيقص الثمرة اللي رايحة تصدير خضراء وبيتعمل لها حاجة اسمها انضاج صناعي في التايمة. بتقعد بقى عشرين يوم بقى على المركب. وقتها بتستوي. توصلك تاكلها تلاقيها ماسحة - 00:35:15  
يعني مش حلوة او ي يعني فهي دي النقطة انه الجنة فيها من كل الثمرات. ما فيش مكان في الدنيا كل الثمرات بتطلع فيه طيب ده معناه ان ارض الجنة ومناخ الجنة ليس كارض الدنيا ولا كمناخ الدنيا. شف كل دى محفزات بتحفزك انك تبقي من اهل الحق وانك تقف مع الحق - 00:35:31

كذلك اه عشان كده بنقول ان الجنة فيها ما لا عين رأت ولا اذن سمعت. طيب كمل معي الاية خمستاشر مع كل ده بقى انها من ماء ولبن وعسل وخمرا وایه بقى كمان؟ وفي كل الثمرات ايه بقى كمان؟ ومغفرة - 00:35:54  
من ربهم مش فاهم بقى مغفرة ايه اللي في الجنة؟ الغفران هو انك اللي عملته لازم تؤدي تمنه الغفران ان انت تعفى من اداء الثمن واحد عمل حاجة غلط يدفع تمنها يا اما يغفر له - 00:36:14

لذلك لما ربنا يغفر الذنب يعني العقوبة مش هتؤدي طيب انا هنا دلوقتي هفضل في الجنة اكل ثمرات. ولحم طير مما يشتهون. وطبعا هيبقى فيه حمام محشى كتير. واشرب بقى من انها الماء والبن والخم - 00:36:37

ده اكل وشرب؟ ده انا اكيد هيجي لي طلبك معوي واسهال على الاقل يعني لو ما جاش الحاجات دية هافضل رايح جاي على الحمام. ما هو كل ده اه داخل طب ما هو لازم يخرج - 00:36:54

ومغفرة من ربهم ربنا الحاجات دي كلها مش هيجعلك تؤدي انك تروح الحمام وتتبول او تتغوط. ما فيش الكلام ده خالص. فضلات الانسان تخرج على شكل عرق ريحته مسک بدل ما يخرج منك بول وغائط وكل شوية بقى رايح الحمام بحاجة قرف كده ؟ لأنني يخرج منك على جلدك برفان - 00:37:08

بس خلاص ومغفرة من ربهم كمل بقى وشف المقابلة. هات لي بقى ايه الاية كمل الاية الخمستاشر كمن هو خالد في النار وسقوا ماء حميما فقطع امعائهم يا نهار ابيض! شفت المقابلة عاملة ازاي - 00:37:34

الاية اكيد دول مش زي دول. ربنا بيقول لك بقى ده زي كمان هو خالد في النار اهل الباطل دول خالدين في النار هيشربوا ماء بس مش زي الماء بتاع الجماعة بتوع جدل. لا لا لا. اولا ما عندهمش لا حمر ولا عسل ولا لبن. عندهم ماء بس ماء ايه بقى - 00:37:52  
ماء حميما حميما يعني بيغلي يقطع الامعاء وسقوا ماء حميما فقطع امعائهم واحد يقول لك ايه؟ طب ما فلة هيقطع امعائهم اول ما

يشربه وخلاص مش هيتعزب تاني. الاماء اتقطعت - 00:38:10

يبقى مش هيشعر بالم تقطع الاماء الا مرة واحدة ده نقول له لأ ما تقلقش كل شيء معمول حسابه ما هو اهل الباطل ما كانوش  
بيتوقفوا عن عذاب اهل الحق في الدنيا - 00:38:34

كان عزابهم مستمر لزلك ما فيش بنج في النار خالص. يخليهم ما يحسوش بالعزاب. لا العزاب في النار مستمر. ربنا قال في سورة النساء كلما نضجت جلودهم جلودا غيرها ليذوقوا العذاب. اجهزة الاحساس - 00:38:50

بتاعة الحرق بتاعة اللسع بتاع النار في الجلد. فكل ما الجلد ينضج ربنا يبدل به جلد جديد عشان يفضل العزاب مستمر. نفس الكلام اجهزة الاحسأء كل الاجهزة بتاعة الاحساس بالعزاب هتتجدد باستمرار - 00:39:11

اللهم اجعلنا من يحبون الحق ويسعون الى الحق ويعملون بالحق وينصرون الحق ويموتون على الحق ولا اجعلنا ابدا من اهل الباطل.  
نتوقف هنا الليلة. اللهم انا نسألك حبك وحب من يحبك وحب كل عمل يقربنا الى حبك - 00:39:30

اللهم ما رزقتنا ما نحب فاجعله قوة لنا فيما تحب وما زويت عنا مما نحب فاجعله فراغا لنا فيما تحب اللهم اجعل حبك احب اليها من اهلينا واموالنا ومن الماء البارد على الظما - 00:39:50

اللهم حبنا اليك والى ملائكتك وانبيائك ورسلك وعبادك الصالحين واجعلنا من يحبك ويحب ملائكتك وانبيائك ورسلك وعبادك الصالحين اللهم احبي قلوبنا بحبك واجعلنا لك كما تحب اللهم اجعلنا نحب بكل قلوبنا ونرضيك بكل اجسادنا. اللهم اجعل حبنا كله - 00:40:11

لهم وسعينا كله في مرضاتك. اللهم اجعل القرآن الكريم ربیع قلوبنا ونور دورنا وجلاء احزاننا وذهاب همومنا وغمومنا ومغفرة ذنبنا  
اسأل الله العلي العظيم ان يجعل هذا التدبر في ميزان حسناتي وحسناتكم جميعا - 00:40:43

اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون فبحق كل حرف في كتابك تلوناه  
او تدبرناه. اكفنا واهلينا واخواننا شر كل من يكيد لنا ولهم - 00:41:08

واحفظنا وایاهم من شرورهم. ونجعلك اللهم في نحورهم. فانت الوكيل ولا حول ولا قوة الا بك اللهم بحق كل حرف في كتابك تلوناه  
او تدبرناه ايد بنصرك المرابطين في الارض المباركة فلسطين - 00:41:28

وفي تركستان الشرقية وانصرهم وانصر من نصرهم واخذل كل من خذلهم وطهر المسجد الاقصى من الدنس فانهم لا يعجزونك اللهم  
من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من علمائنا - 00:41:48

مرضا به او حاملا له فالبشه ثوب الصحة والعافية عاجلا غير اجل ومن لم يصب به فقه شره وابعده عنه. ولا تسلطه الا على اعدائك  
واعداء دينك واعداء اولائك اللهم انك تعلم ان هذه القلوب قد اجتمعت على كتابك وعلى محبتك - 00:42:10

واللتقت يا ربنا على طاعتكم وتوحدت على دعوتك وتعاهدت على نصرة شريعتكم فوثق اللهم رابطتها. وادم ودها واهدها سبلها.  
واملاها بنورك الذي لا يخبو. واشرح صدورها بفيض الاليمان بك وجميل التوكل عليك. واحيها يا ربنا بمعرفتك. وامتها يا مولانا على  
الشهادة في سبيلك. انك - 00:42:33

فنعم المولى ونعم النصير. والسلام عليكم ورحمة الله وبركاته نراكم غدا باذن الله في نفس هذا الموعد ان كنا من اهل الدنيا - 00:43:01